



Siverth K. Heilmann

UPA 2024/88

Atassut

25. April 2024

Nunarput Folketingimut sulii aallartitaqassarnersoq pillugu oqallisissiatut siunnersuut

(Inatsisartunut ilaasortaq Pele Broberg, Naleraq)

Qujanartumik nammineerluta aalajangersinnaasaratsigu sumut qineqqusaarusunnerluta, sumullu sunniuteqaqataarusunnerluta. Naleqqakkut allallu nammineerlutik aamma aalajangersinnaavaat kommunit, inatsisartunut, folketingimut, nunaqarfinni aqutsisunut osv. osv. sassarusunnerlutik.

Nammineerlunga iluaagisarpara inuit allat oqarfigippannga uanga sussanerlunga sussannginnerlungaluunniit, nammineerlunga inuttut aalajangiisinnaassuseqarama. Nammineerlungalu upperinngilara killilersuineq aqutissaasoq, pingartumik allat killilersorniarsarigaanni.

Inuusuttunnguit immissinnut upperisaritsi. Inuit allat qanoq isiginaaatsit naalagaatinnagu, namminerli illit isummat tatigisaruk. Eqqaamasarisiullu, nunap nammineertup illit inuttut nammineertilernaviangimmatit. Inuilli nammineertut nunartik nammineertilersinnaavaat.

Taamaammat isummat tamarmik inissaqartuarlik. Imaanngilaq allatut isummersortut akerartorlugit, toqukkullu siorasaarlugit. Uagummi Naalagaaffeqatigiinnermut tapersersuisuutilluta kalaaleqatitsinniit tamakku aqusaartuartarpagut.

Naleqqap Inatsisartuni ilaasortaaitai, qujanaq oqallissaarutissinnut. Ilissi sassartitaqarusunnerlusi nammineq aalajangerumaarparsi. Naalagaaffinngorsimatinnata uagut sulii folketingimut aallartitaqartarneq atorluaqqaarusupparput Atassummiit.

Qujanaq.